

# 江陵集

			二六五	和
		七	一	書
	四	四	四	門
冊	架	函	號	類

庫文閣内				
三六		二六五		和
函		一		書
四	四	四		
架	冊	號		類

内閣文庫		
番號	和	26514
冊數	4	( 3 )
函號	206	51



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak





藻州

江陵詩集卷之三

淺草文庫



東都萬菴原資著

日暮

寒雲海上鬱難晴  
踈雪飛飛灑楚城  
日暮無人蕭瑟甚  
焚香閑禮古先生

丙辰季冬二十二日作

香城樹色欲棲鴉  
樓外寒雲蔽日華  
大海風雷驚歲暮  
遙峰雨雪過天涯  
修心未覺諸冥滅  
觀劫猶疑十世賒  
急節可憐春色近  
徒將岸樹待空花





芳樹

曄曄中庭樹花發嘒黃鸝腸斷東風曉美人曾折  
枝落日花如霰春色亦衰遲徘徊視微徑草深沈  
履綦

即景

秋風吹未冷萬壑薄殘暉一片青空雨隨雲天外  
飛

擬唐人春宿山寺

獨尋龍象窟花際越青岑不問生天道唯論作佛

心暝雲歸寶界春雨灑珠林靜坐諸塵外夜堂香  
火深

涼州曲

黃花戍外換征袍秋到邊城風更高行客莫愁寒  
色甚涼州新釀紫蒲萄

七月十五夜

海風蕭瑟拂巖棲素月無陰影半低松下幽人終  
夜望浮雲一片太山西

擬唐太宗首春詠



塞雁將歸日水魚欲上時雪梅香紫苔風柳嫩青  
絲曙仗蟾光澹南階駟景遲春臺雲物麗民庶可  
熙熙

擬于鱗大閱兵海上

海上秋霜灑瘴氛使臣來閱水犀軍樓船十萬鞞  
聲合被練三千甲影分夏箭激飛銅表地吳戈森  
擁赤城雲正知邊徼同臺沼徒使昆明漢代聞

其二

萬艦中流勢壯哉翩翩甲帳映雲關風傳鼓角三

邊動日照龍蛇八陣回梁影欲驅秦帝石砲聲遙  
振越王臺甬勾城外人爭立射的峰前雁不來

其三

材官羽騎駕銜艦橫海風烟鬱並驅樓櫓紛噓雲  
外蜃檣竿高插日中烏水驚鵝鷺俄開合天運攬  
槍忽有無即見擊牛觴將士沙邊玄幕列金壺

其四

何起鳴鏑落日前連空萬舳盪蒼烟鳳文蔽岸旌  
旗繞谿子飛雲霹靂懸巨壑秋風迴鐵騎勾陳夜



色護戈船明珠翠羽爭朝貢漢使西南不按邊

同 答寄元美

蕭條華髮愧分符忽喜飛緘過五湖休問齊風臨  
海表遙思郢曲變吳趨雄龍斗氣精逾動駑馬牛  
山感轉孤但好論文依賦筆知君玄覽在中區

和維禪士

江湖雨雪晚蕭蕭冷爾柴荆問寂寥會遇多悲黃  
鵠別風騷轉變白雲謠庭寒鳥跡依霜草月暗漁  
歌過夜潮須識人情堪飲水心中唯有許由瓢

贈南部惠通

衲衣南部客絕粒有仙風白髮無催老黃精果見  
功慧花空外發靈署夢中通却恠猶豪飲樽前語  
氣雄

中秋

龍宮月色夜懸珠懷舊徒悲清景徂一壑暝雲開  
慘淡三花秋露滴虛無南樓佐吏風流遠左界星  
河賦詠孤俯仰人間歸感慨天涯道侶不堪呼

真妃睡起圖



瓊漿餘醉眼波流睡起蓬萊海色秋堪憶驪山明月夜朱欄七十二高樓

季冬送人西歸

北風吹袂動離顏海上寒陰暮色間雲裡雪花如掌大思君行過玉函山

擬李濟南過殿卿山房詠牡丹

新豐美酒醉金罍幾處迷花猶未回別館客來春欲暮青山風雨牡丹開

秋興

白髮悲秋秋轉深自憐衰色寓祗林觀河不改初年見想佛長依落日心病起山中秋草滿愁來海上夕嵐陰空花百界迷歸處何識衣珠不用尋

題老子像

青牛一自出函關紫氣消沈天地間我坐空山懷至道李花零落水潺湲

夏日即景

蕭森枯栢自含風五月寒生釋梵宮坐望芝原空渺處人烟樹色共濛濛



古佛原獨往有感

高原列墳隧松楸似北芒幾人乘變化長寢荒榛  
 鄉伊昔簪纓族宴樂在華堂含珠成枯腊冥塗不  
 再陽春風解餘雪百草綠茫茫鳥集藤蘿密桃開  
 嵐炮香古碑半無字新植又成行千秋終槁壤達  
 理寧悲傷

擬孟襄陽登蘭山寄張丘

幽人乘餘閑北山攀嶠嶽輟策瞻秋旻綺霞時明  
 滅佳眺在斜曛哀情因素節眇目望平川遠沙皓

如雪躑躅懷良朋還歸隨片月已適菊花節樽酒  
 相攜挈

秋胡婦詩

別思彫顏色照鑑喪嬋娟陌上繁佳艷何意顧妾  
 憐丈夫多睇眄良人寧無愆自決赴河曲此意良  
 難宣歲華終替歇人情暫纏綿故人漸厭視新人  
 日倍妍徂春風雨暮花落逐流泉幽閨事紡績何  
 掩淚潺湲粉黛歸黃壤深衷千載傳悠悠天地在貞  
 烈映遺篇



擬李頎 宿香山寺石樓

翠峰尋覺路，昏夜到靈區。客宿石樓裡，禽棲蓮座隅。  
風遙送川筏，月近映衣珠。佛磬飄清越，漁篝忽有無。  
白雲垂幃蓋，懸水瀉醍醐。塵界昔來繫，化城今可逾。  
曉更還唄誦，松日耀金軀。

擬魏文帝 芙蓉池作

夕日歛炎暉，置酒坐平臺。皓月出餘霞，泠泠輝金甍。  
齒苞覆綠池，芳颺灑行杯。衆賢不吾違，纓佩相追陪。  
馳翰述歡愉，藻思何鬱哉。伶倫奏鳳簫，音徽

激且哀。潭魚躍萍葉，栖鳥起翔回。動類有相感，矧懷比興才。  
慨我千秋業，持觴且徘徊。

擬陶潛 癸卯十二月作

冬日何曠曠，陰風迴山澤。凍雲簇下雪，累日繁委積。  
縞縞徧茅茨，蕭蕭灑虛隙。郊原厭遐瞻，晨夕閉空宅。  
敝袍雖所寧，頗覺淒寒劇。面軒頰濁醪，懌懷覽遺籍。  
舊無衛相車，貴同原憲跡。豈勞子輿訊，庶類桑戶適。  
聊免今朝饑，志吾一時懌。矢詩贈所親，希知無憂戚。



錄別 五首

西風何蕭瑟百卉日以腓浮雲西北起白日多陰霾  
麤食知塗艱薄服識霜滋中道苦憔悴翹思欲安  
歸

其二

悠悠踰歲月睽離忽今朝把手猶惆悵何況行路  
遙中堂置旨酒盈觴勸且謔斟酌不成醉何以解  
吾勞西風攜木葉浮雲日蕭蕭欲言平生意中心  
徒飄搖

其三

騷殺風吹籜野草日彫萎孤鴻翔萬里翩翩何時  
歸征夫如彊場簡書恐吾遲父母偕宣髮省視憂  
乖離逶迤踰脩路筑筑度山陂僕夫已在門驪駒  
歌一悲顧吾同袍侶躊躇淚霑衣各在天一隅饑  
渴長相思

其四

行邁到他鄉他鄉胡蕭然陰雲蔽丘陵槁葉覆平  
原稅駕憇田廬竊牧言歸旋酌醴炊乾糗灑掃且



布筵主人踞致辭歲饉里閭艱論膏難自保焉能  
當加餐俛首慚綢繆何以酬嘉言人生殊出處誰  
得無憂煎

其五

秋風吹高臺耿月耀華堂明燈燭四座賓客懼舉  
觴佳人理清瑟纖手激素商游子多悲心哀音獨  
斷腸起視星漢頤中庭且彷徨淚下懷所歡歲月  
守空牀

冬夜靜座有作

薄薄霧生峽淒淒風度園飛霜灑邃徑寒月照危  
垣林空無墜葉嶺杳絕號猿寂寂空廬士凝神止  
觀門冥筌浩在日至理竟忘言精魄徒游變虛空  
非靜煩衣珠瑩暗宅棄置契真源

秋日志懷

白日徂無停絕景驟虞淵凜秋來何速危葉墜階  
前山路稀人跡古木積寒烟默坐悲流節懷吾少  
壯年志氣頗豪邁蘭藻競辭篇誦覽百家籍覃思  
搜微言常負郢人質屢撫伯牙絃居然生皓髮大



業半棄捐惟此中腸結下階步紺園微雨霏微散  
餘照漾寒泉躑躅無所適暝色滿芝屢還來鐘磬  
歇明燈燭梵筌

望嶽

落日秋寒海上峰危樓西顧眺芙蓉浮雲不隔瑤  
臺色雪下珠簾十二重

賦山家閨怨

木蘭花落掩幽閨薊北風塵望轉迷秋盡天涯無  
夢到苧蘿山月夜烏啼

秋晚寄友人

江樓獨坐嘆離群遙看寒鴻沒暮雲秋色滿山人  
不到黃花絳葉雨紛紛

擬吳國倫 答徐子與

誰向南雲問卜居孤臣解組臥林間萬金碣石虛  
招駿白髮湘潭傍釣魚杜若秋深難贈佩燕鴻天  
外忽傳書引觴細見摘毫色風雨蘭燈憶直廬

擬何仲默 月潭寺

匹馬秋寒踰紫岑蕭條薄暮宿祇林南征遠客關



山路一晤高僧夏臘心夜靜古潭搖月色風清蒼  
兕過樓陰鐘聲颯漾知何起卧看銀河倚戶沈  
其二

花殿蕭森山色中寒潭古木颯霜風天涯斗影低  
龍劍水際蟾華耿佛宮賦筆窮途將雨雪衣珠醉  
客轉萍蓬明朝還問峰前路回首秋雲鎖翠空

擬于鱗與茂秦金山寺亭上望西湖

翠壁青嵐擁佛廬華亭映水坐空虛烟迷世界諸  
塵色花隱天人七寶居峰頂孤雲生鸞鷲湖中飛

雨灑芙蓉登臨何必關詞賦相見雙心偏曠如

春晚步到佛原

碧嶂春深僧掩門落花流水似桃源獨行別有傷  
心地蕭瑟松風古佛原

漢宮秋思

瑤階霜冷落梧桐錦段裁衣賜六宮班女當年辭  
玉輦却將紈扇怨秋風

擬孟襄陽陪栢臺友訪聰上人

兩客攀春嶽孤禪隔梵城空庭多虎跡白日絕人



聲雪溜三花冷嵐陰一嶂晴雖殊朝野性共喜聽無生

楚宮詞

十二峰巒暮色中瑶姬一夢不重通千秋別恨難消得為雨濛濛下楚宮

暮春到山寺

風雨春歸不再回城南綠樹蔭青苔尋僧偶到深山裡峽口桃花撩亂開

雪中作

陰風吹結滿城雲樹色川原黯不分白馬錦袍何處客花鷹條上雪紛紛

鳳笙曲

五雲開處是仙家一曲瑤笙遶綠霞雙鳳飛來相對舞玉壇零落碧桃花

綠水曲

樓上笙歌水上臺春江一半夕陽開知是誰家青翰舫芙蓉花外棹聲來

醉客行



百尺高臺風色秋涼州醉客不知愁但教明月臨樽酒便是仙家十二樓

涼州曲

涼州新醞鬱金香月滿轅門劍舞長莫向帳前辭醉死明朝晒骨在沙場

感遇

鷓鴣抗鷓鴣即是鷓鴣友高樓食琅玕腐鼠寧足掄澆季息心流猶非壯叟耦榮祿相矜持側視何孔醜吾讀漆園書恬澹出氛垢松泉滌寂聽窅雲

紫正受藻語絢烟蘿苦心甘醴酒白日偏蕭條孰以兩端扣

元日作

斗杓東指照秦關五夜樓開海上山十二城門春未曙一輪紅日碧波間

諸葛圃

為葵峰木公詠

華亭高枕傍朱欄百畝空庭秋色寒治圃偏畦諸葛菜恠君猶作卧龍看

題屏畫

孤聽河冰圖為前人



江陰雜錄 卷三 十一  
蕭蕭木葉下，溽沱沙上。冰花寒似，戈蓬尾，玄狐聽。  
水後漢兵千騎度，長河。

賦簾靜燕子忙

翠箔低深殿，人間紫燕忙。銜泥飄柳巷，蹴露過花塘。  
落白珠軒冷，春風綉戶香。差池無遠去，古壘在昭陽。

雨後

驟雨雲歸大海東，臯亭獨坐向秋空。懸泉瀉與松風響，如在深山絕澗中。

賦春雨思鄉

細雨空濛雁北飛，江樓孤客坐思歸。桃花潭口門前水，漾漾春波合映扉。

春江別意圖

江上蒲帆征不留，長江水色晚來愁。楊花似雪隨波去，落日殘樽重上樓。

題畫

白髮憐春春轉愁，晚來沽酒醉江頭。江頭月暗人歸去，花底蘭樽夜不收。



擬客中行

蒲萄綠酒是涼州，薊北春深花映樓。苦謝主人休酌我，醒來邊客不勝愁。

大塔皇子古跡

親王遺跡見殘塋，土窟陰陰春草生。堪憶貌貅三十萬將軍躍馬入咸京。

其二

一從鈴閣脫簪裾，宮闕飛塵烽火餘。四十年間嗟板蕩，君王不覽獄中書。

山下泉

蒼崖古木蔭清泉，瑟瑟寒聲到座邊。夜月空山人獨坐，秋風吹入伯牙絃。

白雲謠

驚風飄日隱西山，天上浮雲去却閑。八駿穆王何處去，丘陵秋草遍人間。

大堰暮春暝興

茅垣寂寞對青巒，野寺鐘聲雲外殘。一徑春深人不到，瓦松花老暮風寒。



荷谷春興

茅堂卧病片心閑轉覺平居世事艱谷口桃花春欲暮夢魂猶問海門山

保三益來

松谿殘日扣柴門世道年深不復論幾度迎君無別興看雲並坐古松根

壁上海山圖

蓬萊宮闕不知還一世風塵醉夢間惆悵高堂新壁上海山圖是故鄉山

寄衣曲

梧桐一葉落銀牀少婦縫衣秋夜長遙念戰袍寒透骨陰山瀚海已飛霜

忘憂廬調田生

俠客攜來雙玉壺玉人何更取清醑茅堂一樹花如雪狂殺高陽舊酒徒

李濟南

招張少坤

白牡丹楓映夕陽陶家新酒甕頭香東籬只欲迎君醉不忍黃花昨夜霜



遊東山詠落花

金界東風捲綵霞，春光慘淡夕陽斜。  
雲中嶂壁花千樹，湖上樓臺雪萬家。

和秋登醍醐山

醍醐山色鎖岩峩，三鈷聲休午寂寥。  
雲裡不知霜葉下，石廊花殿雨蕭蕭。

題畫富嶽

層巖八葉鎖丹霞，鸞馭飛回嶽頂賒。  
萬古青天懸片雪，雲中倒映玉蓮花。

同 洞庭秋月圖

洞庭楓葉未飛霜，暮雨蕭疎過岳陽。  
一片君山山頂月，能令秋色滿瀟湘。

同 姑蘇秋色圖

麋鹿聲哀秋草黃，越來谿畔幾殘陽。  
姑蘇臺上秋宵月，曾照西施白玉牀。

秋日送人歸江州

丹葉黃花映玉鞍，還鄉秋晚錦衣寒。  
風霜不換紅顏色，石鏡山前立馬看。



明妃曲

馬首風寒環佩香琵琶一曲斷人腸何堪翡翠簾  
前月照見燕支山下霜

送川季迪之京

武陵回首別年華匹馬關山京路賒帝里風光能  
蕩意春深莫醉五陵花

其二

西京藻賦逐時新今日憑君問搢紳綵筆工裁雲  
五色鳳凰城裡有何人

和薩州山子謙秋日客懷

歸雁高飛東海頭樽前猶自不堪愁知君一夜天  
涯夢七十餘城明月秋

擬休上人

西風何夕起萬里度瀟湘露下青楓冷羈心日暮  
傷懷君情蘊結素月耿西廂蘭燈熺瑤席桂醕湛  
鸞觴如何不成樂悵望天一方巫山高鬱鬱峽水  
遠湯湯精爽在君側誰言道路長

擬題金谷故園



梓澤空園在，淒涼人跡稀。沙棠無舊樹，曲澗有殘磯。  
絲管水聲咽，粉香花片飛。臺荒頌夜雨，谷暗澹春輝。  
醉夢風流盡，滄桑世代非。瑤姬虛委命，石友枉同歸。  
但識甘鳩毒，寧知陷駭機。遺文猶可詠，客淚墮明妃。

送空念道者詩

喻壽之魚不生湫，越傲武夫多赴赴。借問驍勇今有誰，空念道者膽如斗。壯齡薙髮著方袍，兩脚生風無伴耦。履險臨冥不覺艱，塊看五嶽伴培塿。朝

東嶽元宮主人  
アリ信即此入江  
ノ島ニ出タムヲ云付  
フ云云

披莽蒼暮陰崖，鐵錫不懾。羆虎吼按行，鬼窟扣猱宮。欲駕六螭鞭，電母東嶽一穴閉。仙靈千古稀，人窺洞口前年塞。裳入凌兢石滑苔，濃勞踐蹂疾風滅。炬黑霧腥瑟縮寒，泉鳴左右躡。奧不能涉，塗如逡巡歸來惆悵久。每說數日踰山深，萬木蕭森絕飛走。爛煮松皮當糗糧，露濡嵐炮眠巖數。今年東邁覽仙臺，歷跨諸藩極南部。蝦夷韎鞞豈謂遐契丹阻絕，徒回首嗟予壯齡夙。枯羸空披圖籍面，牆牖懷古難摩神。禹碑何時相攜攀，岫嶺

工峻高

卷三

十一



公無渡河

河出崑崙濤突兀濁流中閉魚龍窟狂風八月捲  
 沙回衝盪龍門怒欲推行客臨之怵然立篙人魚  
 子空徘徊但見滔滔沃日崩雲雨天所設險其意  
 何為哉河上之夫醉狂宥塞衣高步將凌浪眾人  
 相顧笑喧然有婦牽衣浪迸泉公無渡河歸去來  
 人生雖艱猶勝死鯨魚吹滌仰噴山何為將身當  
 牙齒公無渡河歸去來有兒呱呱饑後爾公無渡  
 河歸去來有母貿貿倚閭視公無渡河公不聞

溺飄淪何所止天乎天乎茫茫黃河之水

錄別

秋空何慘烈北風吹河梁脩塗阻關山游子欲還  
 鄉人寓天地間憂虞滿中腸何況睽別間日月黯無  
 光續綵平生酒何意盈離觴詠言欲述思苑結難  
 成章人生各懷志相送獨彷徨子歸奉明君英聲  
 播無疆

擬左記室

慶霄啓絳霞負闕峻浮空馳道皆冠蓋華轂向王

工凌高



宮吾非簪裾質安能侍會同爰居眩鐘鼓澤雉懼  
樊籠攘袂軼囂埃爵躍問鴻濛晞髮扶桑日披襟  
碣石風

擬沈千運贈史修文

壯年輕易別別來二十春春華偕零替顏槁髮垂  
銀何圖茲地會驚喜却悲辛君才齊驥騶權奇舊  
絕塵吾生雖拙篤寧不如衆人交游多榮達布衣  
獨纏身能否固殊隔時運等艱屯忽覲還將乖形  
跡復胡秦前途未可識把臂仰蒼旻

擬獨孤及題恩禪寺上方

梵鐘杳冥裡輟艫躡青霞草際鹿麇徑崖根龍象  
家雲氣浮幢蓋松香墜脫關山僧無人我相揖對  
庭花林表指征路荆蠻鄉不賒越嶠晴空外渺渺  
夕輝斜東瀛汎片鷁萬壑走長蛇瞻視遙無極聲  
聞寂不譁冥神靈驚窟即駕白牛車五塵真嚼蠟  
三界似棲苴茲地掇瑤草吾生何有涯

鳳笙曲

春風何旖旎月綺武昌城華樓高百尺誰子弄瑤

工  
卷  
高  
卷  
三  
二  
十一



笙隱隱，綵霞際，雖雖孤鳳鳴。和鑿天外響，宮商總  
 衆清。忽疑九苞瑞，銜圖下玉京。幽人據梧聞，潛含  
 曠世情。崑丘何處在，瓊臺我欲頌。王母顏如花，坐  
 命董雙成。吹合琅玕樹，鏘然金鼓聲。紫蜺垂且繞，  
 神雀肅無驚。更憶王子晉，鶴駕凌蓬瀛。緱山仙奏遠，  
 歲月幾崢嶸。曲闕如恍惚，蕭蕭良夜徂。淒絕梧桐，  
 陰風清月轉，明。

燕臺懷古

碣石寒雲一望開，悲風蕭颯自西來。千金市骨人

何在，首霜秋深郭隗臺。

和雄山懷古

覺路金繩芳草分，空王幢節倚春雲。桃花自笑珠

宮畔，何處應尋六代君。

平維盛之子六代前也平氏之後當錄中興  
 文覺利之強清初相為分子事見平家物語

和醍醐山

寶公遺業梵王宮，縹緲醍醐山色中。零落古壇人

不踏，拂雲秋樹響真風。

白牛懷舊詠

蒼茫嗟宿昔，讌會接徽猷。大叔館林伯，專城肥子



莊子大宗師又藏舟於  
壑藏山於沃謂之固  
矣然亦非有力者負  
之而去也嗚呼不知

侯兩公周爵祿諸客晉風流寶渚尋玄笈香門問  
白牛梵臺鸚鵡酌花雨驕驕裘日隱崖前樹春寒  
海上樓綺篇間什遠雄飲命應劉共訝懸燈早誰  
教灑翰休座隅慙閉默方外繼歌謳坐恐妍談盡  
還懷少別憂衣冠雲外起燎火夜深幽世事誠如  
幻吾生轉覺浮古原悲拱木哀壑感藏舟歲月飄  
潛跡山河邈舊游梁園空悵望蕭瑟雁池秋

懷常公

平生虛澹故人心泉壤冥冥歲月深堪憶幽論風

雨夕南屏古屋薜蘿陰

其二

蕪亭一別隔山河悵望無如長夜何若箇孤墳人  
不掃空原松柏夕陰多

春宮夜怨

東風澹澹度西廂露井桃開半夜香三十六宮無  
月色雲中燭影散昭陽

春詞

漢宮珠翠侍君王獨掃東風玳瑁牀白晝昭陽人



寂寞瀛州樹畔百花香

寄伯龍

交驩未盡十年間一路城南幾往還  
偏憶朱門相送夜朔風吹雪滿蒼山

巫山高

巫山十二峰縹緲列秋空絕壁荆門斷  
驚濤峽水通遙知神女雨如霧散天風  
彩翠無定所明滅杳冥中巴猿啼不已  
楚客望無窮瞻彼朝雲廟巉岩似飛鴻  
青天低草木落日隱房櫳先王成懽遇故

事繆童蒙誣穢嗣君德遂令聚麀同  
宋生說神接華容極姝豐褰幃希進御  
何殊亂後宮麗藻振千載長誇騷賦雄  
莫恠高唐夢萬古等鴻濛

讀騷貽常公

獨坐讀騷賦蕭條感秋殘庭草萋猶綠  
白露泥空壇紛予思君子幽衿若芳蘭  
薜蘿當夜衾菊葉擬晨餐西風澗泉烈  
皓日萼廬寒世路寧無侶風波固所難  
近石稀時遇師洵獨自彈吾情偏宛結  
庶借晤言寬事故動阻曠熱膏夜已闌  
排闥眺星河



朔吹度空欄  
衝風飄斥鹵  
陰山霜華新  
白日澹銷彩  
黃沙凝不  
塵樹推幽壑  
底冰結大河  
津曠原無度  
鳥深岸絕  
游鱗貂裘猶不温  
鐵衣欲裂身  
胡酒生寒嘶  
杯中膠作銀  
玄雲復降雪  
翰海皎無垠  
當此涸陰節  
烽火照三秦  
枕戈寢轅門  
返側達雞晨  
永歎懷京國  
苦哉征戰人

秋雨懷大中師不能招詠情

秋旻簇浮雲  
淫雨日蕭瑟  
松門晝長扃  
卧聞泉響逸  
下帷休遐矚  
附火防寒疾  
蜜霧藏榛荆  
疎風撼蓬華  
豈不懷友生  
却使招邀失  
負拙墮鹽菜  
幽論但詩律  
澗塢露灑灑  
無由拾橡栗  
念爾衰齡人  
石路懼顛躓  
他人或咨詢  
中情不親密  
延佇至栖鴉  
呼童整簡帙

擬昭君墓

人生如浮雲  
隨風萬里遷  
鳳鸞多喪侶  
松蒿自相緣  
漢宮如花女  
艷色照芳年  
遠嫁單于國  
茲地就



黃泉爽靈託丘塚昭君墓青草陵霜烟茫茫沙場闊古墓  
不為田征人時躊躇弔古亦潜然薄命亦天意永  
令名姓傳顧影賂畫工誰竟保嬋媛ハカク壘裡百年後  
無人識荒阡

擬邊上讌

轅門月色鼓如雷一片青烽落酒杯唯道天驕頭  
可飲醉中同上拂雲堆

塞下曲

原風蕭颯古龍堆宛馬秋驕首宿開十載胡雛工

逐射單于臺下按鵬回

南軒偃曝作

幽棲無所營寒士何所職ハカク闔廬足寧居齋心冥緬  
域南軒雖狹小讀書宜偃息皓日出浮雲施我光  
華德谿柯疎蚤霜中庭明午色皐楓多墜丹晚菊  
微餘馥復有啄木禽巢此空園植為詠晉妃詩聊  
以慰玄默五蔽內漸消庶竟祛羣惑

冬日幽懷

陰雲開又闔空色日冥冥風葉隨寒雨飄飄下中



日本八省ノ立ヤハ唐  
太宗ノ常官律ヲ作リ  
又玄宗ノ律作リ又  
コレヲ大憲ト云フ  
コレヲ大憲ト云フ  
コレヲ大憲ト云フ  
コレヲ大憲ト云フ

葦子太宗即傳說得  
以相武下奄有天下  
京東維新箕尾而  
比於列生  
傳説星ト云生アリ  
コレガ下天手ヲ相  
ケタト

庭庭宇正蕭寂哀緒集衰齡凄然生百感散亂失  
其形有如荒鄉客無偶行紫紫復如洞簫響累歎  
中忽停幽蘭折霜蕊隴鳥鍛文翎端坐窮其源覺  
明元自靈萬想歸虛曠惠力庶可研

恭擬管相公冬夜間居話舊作

雨雪天涯獨掩門舊遊淪落不堪論  
相憶滿目浮雲尚自存八省長懷青瑣闥三台空  
望紫微垣關河迢遞無歸地華髮寒燈共斷魂

管神祠

曾辭箕尾下冥氣一譴無由問聖君  
萬里風波驚絕國千秋日月散浮雲  
紫微永護垂衣色青史兼傳汗簡文  
神宇猶知朝玉宸珊珊佩響夜深聞

其二

祥雲五色敞珠扉藹藹神居傍帝畿  
花落繚垣人不踏松深華表鶴何歸  
西州草木猶蕭瑟北關風雷有是非  
如在千年無殺祀春香吹滿使臣衣  
冬無雪賦此奉贈館林侯

山東雲色鬱難開却是彫羊無雪來  
因憶梁園徒

江陵稿

卷三

三十一



置酒何繇授簡命鄒枚

擬李濟南送暉員外按察郢中

東風紫馬向南鳴，綠柳緋桃丹鳳城。  
別酒黃金臺畔，興離絃白雪郢中情。  
五雲北顧燕關色，三楚春開漢署名。  
按節知君徐作賦，高唐暮雨日陰晴。

同送張肖甫出計閩廣

綵鳳銜書下紫烟，中原攬轡向南天。  
飛荔豈是先秦世，轉餉何殊大漢年。  
嶺遠梅花飄玉節，秋高瘴海盪樓船。  
知君再入承明館，望絕青烽映日邊。

同送何戶曹之金陵

含香幾歲漢庭趨，忽見星輅向遠途。  
法象依然輝宿衛，風塵未肯讓征輸。  
秋開石首孤城色，地擁金陵六代圖。  
憑藉何郎須劇覽，揚州品物映人無。

懷古八首讀野史作

楠公雄略鼓風雷，可惜中興綱紀頽。  
台嶺偏裨勞百戰，攝川旌節不重回。  
鬼神未測韓彭策，天地空生管葛才。  
海上孤碑爭墮淚，年年春雨洗青苔。

其二



和戎 尊氏方ヨリ上皇  
ノ衰々時々ニ和睦ヲ納  
メバ天玉モリリ難  
ノ余リテアリ美貞モ  
相送ニ及ズ謀ト知ラス  
ノ和睦アリ心真ニテ  
ハナク天玉ヲ華山ノ南  
宮ニ推シ申シメソコト  
形部大夫勅重シ云者  
ガ吉野ノ供ヲ行コノ  
時天玉ヲ女ノ次ニシテ  
馬ニサシ自ハ三様ノ  
神器ヲ負テ行コト夜  
ヌケ去扱モク哀シク

此并田信玄長尾謙  
信北条今川 毛利  
兼池石友大内 長曾  
茂部 各云威云云

峽内地名考 忠峽 甲  
斐天也 國中三ノ山間ニカ  
故ニ峽ト云峽 和割ハ  
甲斐ニ 祖探先生主  
テ事ヲ峽ノ字ヲ用  
因テ男ノ三峽ニ比シ多  
男ノ政事ヲ用巴猿  
猿ヲ以テ名アリ 甲斐ニ  
猿橋アリ 男ハ猿ハ代  
公孫述コレニ據シ因テ  
白帝城ト云信云此  
又三國ノ男ニ世ニ亡  
因テ勝頼ヲ後主  
ニ比ス是ノノ大田各

一旦和戎計却非君王跼蹐入京畿群臣再問河  
陽狩八駿空淹穆滿歸南國行宮終晏駕中朝霸  
主自雄飛青山一路無入跡草沒陵園露濕衣

其三

屬車塵暗失雞翹嘆息飛龍顏亦凋劍璽威靈歸  
北極公卿寂寞老南朝鳴鑿路入殷墟麥逐鹿家  
餘鄭國蕉萬事浮雲非一世中原帝里日蕭條

其四

乾坤板蕩望昇平大樹蕭蕭空有名萬乘由來徒

擁器諸藩何處不徵兵衝星各按青龍劍躍馬高  
依白帝城平相姦雄終見弒岐山無復鳳皇鳴

其五

鼎峙山河攻守勞甲陽諸將足英豪鐵驪長飮原  
頭草金鼓遙驚峽內濤不厭指麾依白羽堪嗟名  
爵借緋袍為伶後嗣膏鋒鏑空使兵書比六韜

其六

山東敗將授軍麾信老威名天下知百越風雲生  
叱咤中原日月映旌旗投鞭自負馮河色倚馬堪

叱咤 馮河 倚馬 堪







白髮新春興不孤下車相見對江湖百年歲月深  
雞黍千里關河代虎符把酒堪誇中嶽色論文更  
問舊吳都褰帷何恨多乖別笑指冰心扣玉壺

鹿山懷古

勢州鈴鹿山守田村將軍一前太平記三見

鐸鹿何盤盤磽确響如鐵峰巒樹石歌崖谷雲嵐  
結在昔古帝時盜賊此猖獗劫畧奪囊索白晝道  
塗空郡縣為追捕却遭其暴探變動伴鬼神竄伏  
逾點桀桓桓田將軍奉詔秉斧鉞風雲隨號令虎  
狼避威節遂殲彼渠魁獲醜空巢穴千載樹英聲

古祠依巖嶮史編逸其事新樂節妄譎真偽雖難  
分昭昭播口舌類彼千丈巖不同誅草竊附會寧  
無疑彰功勝蕪滅緬懷天智帝避難遇耆耄終能  
復錄圖聖明掃氛孽非邇鴻荒代載籍何曖昧國  
風趨澆漓翁媪享儀絕吾生多感懷到處詢遺烈  
過此苦躊躇風寒春凜冽欲往猶眷戀巖泉時幽  
咽

踰函嶺有作

歸自京華十七年相陽峻坂復攀緣交羅草木分



字后無題子當作  
鹿君浩

徐州古豐縣有村曰  
朱陳一村惟兩姓世  
為婚姻

征錫陸續峰巒映客羈落落長松皆蔽日淙淙幽  
 峽總鳴泉雲飛素女迴翔後石裂靈神作力之象巔負前鬼  
 魅逢久藏洞窟颯颯欲雨嘯風烟春寒疊嶂疑稀  
 雪路斷回梯却上天擊柝關深函谷固至下急外翻車嶺側  
 劍門懸徑迷劉阮蹤何在村秘朱陳世不傳舊信  
 魚山流梵奏還懷西穴鎖真筌轆轤可汲修丹井  
 襪襖堪耕種玉田千載一真形如大枸杞老根應夜吠芙蓉秋實好  
 晨塞與臯喜覽千家邑層巘驚臨百丈淵三島午  
 開如望駕六龍西逝不停鞭積蕪累塊應寰渺採

樂吾將隨仙人嬸佳

途中望嶽

客館遙聞五夜鐘精爽猶迷玉筍峰晨經原驛乘  
 初晰東南霽色仰芙蓉芙蓉積雪無今古上照絳霄下  
 龍府玲瓏八朵欲飛騰羅列千峰俱跋扈白雲高  
 浮不覆巔只在山腹長旋舞素敞飄揚開畫圖陰  
 寒倏忽馳風雨皓鸞玄鶴因栖遲木客山魃爭竄  
 俯雷霆惟應大麓鳴義娥欲到中天佇翻疑海上  
 失負壺方丈蓬萊勢欲孤巨鼇矯首蕩坤絡大鵬



天姝地考富士権  
 現大山 祇女 木花  
 羽衣天女 三保松原  
 降神中 見

豐聰地名考 一皇 皇  
 甲天 驪駒 三此 山  
 三并 玉三 枝茶 客  
 元見  
 角仙 同役 小甫 伊豆  
 遷流 中夜 通力  
 秋香 見  
 良香 同都 一皇 皇  
 賦作 本朝 文粹  
 二見  
 徐市 地名考 秦  
 徐福 富士 八八 仙士 一宋 學士 日東 曲二 見

鼓翼捎方隅，又恠寒陽白。銀闕下墜人，間擊突兀。  
 天姝搖曳六銖衣，翠粲來風沃。毛髮吾憑籃輦度，  
 葦原夾路青松列。作藩蒼翠之間，無別觀終朝。惟  
 矚玉崑崙，目無氣翳春空廓。日輝霞約互明鮮，遐  
 瞻鬢鬢覺靈異。端拱斂容神肅然，回首瑤霄送飛  
 鳥。咄嗟揮毫拂綵烟，願躡青冥凌峭崿。得逐豐聰  
 與角仙，幼來曾讀良香記。擲地惜非金石篇，復思  
 徐市尋神藥。萬丈丹梯無路攀，俯仰浩然多感慨。  
 紛紛勝跡未能論，玉洞千年藏紫府。珠簾何代降

青天穆王八駿疲，萬里禦寇乘風焉。戾止六極茫  
 茫歸去來，列嶽叢峰空灑迤。

塞上曲

大漠生風晚，黃河欲雪天。將軍盤馬處，白草動寒  
 烟。一箭冲雲表，雙鵬落纜前。歸來緹幕內，萬卒枕  
 戈眠。

冬夜與隆上人語借賦

渺渺迷川處，從誰問法橋。世人徒語難，吾道轉蕭  
 條。半夜孤燈滅，三幡一悟銷。可怜雲際月，寒影耿



江陰和  
松標

擬孟浩然送辛大

辛君南楚駿遙開舊廬還可惜鳳鸞彩難追鷓鴣  
班吾深釣濮志居在鹿門山聊託歸來詠園廬竟  
歲間

應諏訪侯求遙詠鵝湖

地名考中華一八信州也元湖十

二月冰初破鵝湖雪更殘城西春未動風捲浪花  
寒右詠春

其二

縉雲諸嶂曉湖色蕩城陰泮泮稗蒲地綠波樓影  
深右詠夏

其三

湖雲開滉漾湖月出青冥蘭芷霜前老秋風似洞  
庭右詠秋

其四

信山將下雪信地早寒凝十月鵝湖面馬行千尺  
冰右詠冬

重詠鵝湖

江陵稿

卷三

三十四



雪盡春將暮，人登湖畔臺。群花無次第，映水一時開。  
右總詠

其二

六月諏方郡，凄寒不待風。芙蓉千里雪，片影在湖中。  
同前

和舊寄韻謝服君子遷

宗雷消息轉相緣，尺素何勞驛裡傳。赤岸雁飛空  
炳次宗皆遠公社中人  
悵望輪臺花落淡，風烟香袍自掩明珠色。綵筆堪  
翻白纒，篇彈盡朱絃。君不見孤樓縹緲倚青天。

酬鵜君士寧見贈

神女明珠映漢臯，芙蓉特起一峰高。空臺夜下三  
乘雨，翠壁春驚七發濤。樹合利幡迷寶騎，花深鐘  
管醉香醪。颯然時有秋風興，嗟爾揚雄賦反騷。  
ウチシユク

其二

春龕窈窕海山幽，暇節攜君好倚樓。謝眺餘霞窓  
外散，玄虛駭水賦中浮。人歸佛隴蕭條暝，雲去房  
陵處所愁。支遁繇來憐駿足，禪筵休譏接名流。  
服温卿見示十日家讌，作讀此大逼其嚴君。



賦謝以兩絕

芙蓉館下悉才豪一世龍門氣正高  
彩筆誰能成五色超宗殊有鳳凰毛

其二

霜下江潭菊葉新陶家子弟絕音塵  
忽傳十日樽前語思殺蓮花社裡人

烏石源君嶽輯校

江陵詩集卷之三



羽

正五